


聖政 詔令



詔令卷之一

典章一

世祖聖德神功文武皇帝

皇帝登寶位詔庚申年四月初六日欽奉



詔旨節文朕惟

祖宗肇造區宇奄有四方武功迭興文治多闕五十餘年於此

宗奚蓋時有先後事有緩急天下大業非一聖一朝所能兼

備也

先皇帝即位之初風飛雷厲將大有為憂國愛民之心雖切於

已尊賢使能之道未得其人方董夔門之師遽遺鼎湖之

泣豈期餘恨竟弗克終肆予冲人渡江之後蓋將深入焉

乃問國中重以僉軍之擾黎庶驚駭若不能一朝居者予
為此懼擇騎馳歸目前之急雖紓境外之兵未戢乃會群
議以集良規不意宗盟輒先推戴左右萬里名王臣僚不
召而來者有之不謀而固者皆是咸謂國家之大統不可
可久曠神人之重寄不可暫虛今日

太祖嫡孫之中

先皇母弟之列以賢以長止予一人雖在征伐之間每存仁愛
之念博施濟眾寔可為天下主天道助順人謀與能

祖訓傳國大典於是乎在孰敢不遵朕峻辭固讓至於再三祈
悃益堅誓以死請於是俯循輿情勉登大寶自惟寡昧屬

時多艱苦涉淵水固知攸濟爰當臨御之始宜新弘遠之
規祖述變通正古今日務施寔德不尚虛文雖承平未易
遽臻而飢渴所當先務畧舉其切時便民者條列于后條
見各類於戲歷敷攸歸欽應

上天之命勲親斯托敢忘

烈祖之規建極體元與民更始朕所不違更賴我遠近宗枝中
外文武同心協力獻可替否之助也誕告多方體予至意
故茲誥示想宜知悉

中統建元中統元年五月 日欽奉

詔書節諫

祖宗以神武定四方淳德御群下朝廷草創未遑潤色之文政
事變通漸有綱紀之目朕獲續舊服載擴丕圖稽

列聖之法規講前代之定制建元表歲示君人萬世之傳紀時
書王見天下一家之義法春秋之正始體大易之乾元炳
煥皇猷權輿治道可自庚申年五月十九日建號為中統
元年惟即位體元之始必立經陳紀為先故內立都省以
總權綱外設總司以平庶政仍興利除官之事補偏救弊
之方隨詔以須申畫于后條畫各見本類於戲秉鈞握樞必因時
而建號施仁發政期與位以更新敷宣惻惻之辭表著勤
勞之意凡在臣庶體予至懷故茲詔示想宜知悉

建國都詔中統五年八月 日欽奉

聖旨中書省奏開平府闕庭所在加號上都外燕京修營宮室
分主省部四方會同乞亦正名事准奏可稱中都路其府
號大興布告中外咸使聞知

至元改元至元元年八月十九日欽奉

詔書節諛應天者惟以至誠極民者莫如寔惠朕以菲德獲
承

慶基內因難未戡外兵弗戢夫豈一日于今五年賴

天地之基終暨

祖宗之垂裕凡我同氣會于上都雖此日之小康敢朕心之少

肆比者星芒示做做雨澤愆常皆闕政之所由顧斯民其何
罪宜布惟新之令溥施在宥之仁據不魯花忽察脫滿阿
里察脫大思革構禍我家照依故

成吉思皇帝禮撤已正典刑訖可大敵天下改中統五年為至

元元年自至元元年八月十六日昧爽以前除殺祖父母

父母不赦外其餘罪無輕重咸赦除之開云於戲否往泰

來迓續亨嘉之會鼎新草故正資輔弼之良咨尔臣民體

予至意敢以赦前事相告者以其罪罪之故茲詔示想宜

知悉

行蒙古字至元六年二月十三日欽奉

詔書朕惟字以書言言以紀事比古今之通制我

國家肇基朔方俗尚簡古未遑制作凡施用文字因取模楷

及衛兀字以達本朝之言考諸遼金以及遐方諸國例各

有字今文治復興而字書方闕其於一代制度寔為未備

故特命

國師八思馬創為蒙古新字譯寫一切文字期於順言達事

而已自今已往凡有璽書頒降並用蒙古新字仍以其國

字副之所有公式文書咸遵其舊

建國號詔至元八年十一月 日欽奉

聖旨誕膺景命奄四海以宅尊必有美名紹有主而紀統肇從

隆古匪獨我家且唐之為言蕩也堯以之而著稱虞之為言樂也舜之為言作號馴至禹興而湯造立名夏天以殷中世降以還事殊非古雖乘時而有國不以義而制稱為秦為漢者蓋因初起之地名曰隨曰唐者又即始封之爵邑是皆徇百姓見聞之徂習要非一時經制之推宜緊以至公得無少貶哉

太祖聖武皇帝握乾符而起朔土以神武而膺帝圖肆振天聲大恢土宇輿圖之廣歷古所無頃者耆宿詣庭奏章伸請謂既成于大業宜早定于鴻名在古制以當然於朕心求何有可建國號曰大元蓋取易經乾元之義茲大治流行

于庶品孰名資始之功予一人底寧於萬邦尤切體仁之要事從因草道協天人於戲稱義而名固匪為之溢美乎休為永尚不負于投艱嘉與敷天共隆大典咨尔有衆體予至懷故茲詔示想宜知悉

立后建儲詔至元十年三月 日欽奉

聖旨蓋聞自古帝王之治天下也莫不立后以正家建儲以定國朕自纂承大統之後即命皇后強吉刺氏正位中宮仰惟

太祖聖武皇帝之遺訓俯協諸王昆弟之僉言乃立泉嫡燕王真金為皇太子積有日矣比者朝臣懇奏冊寶之禮宜即

舉行已於今年三月十三日授皇后以玉冊寶章授皇太子以玉冊金寶從典禮也咨爾懷生體予至意故茲詔示想宜知悉

興師征南詔至元十一年六月 日

皇帝聖旨宣諭伯顏為頭行中書省官人每及蒙古漢軍萬戶千戶眾軍人等爰自

太祖皇帝以來彼宋與我使介交通殆非一次彼此曲直之事亦所共知不必歷舉建邀我

憲宗之世朕以藩職奉

命南伐師次鄂渚彼賈似道復遺遣宗京詣我近臣博都歡前

河南路經畧使趙璧請罷兵息民願奉歲幣于我朕以國之大事宗親在上必須入計用報而還即位之始追憶是言乃命翰林侍講學士郝經等奉書往聘蓋為生靈之計也古者兵交使在其間惟和與戰宜嗣報音其何與于使哉而乃乾之率不復命至如届此一二行李於此何損于彼何益以致師出連年邊境之間死傷相藉係累相屬皆彼宋自禍其民也襄陽被圍五年旅拒王師義當不貸朕先有成命果能出降許以不誅是既降附之後朕不食言悉全其命冀宋悔過或啓於圖而乃迷執固有悛心所以問罪之師有不能已者今遣尔等水陸並進爾等當布告

遐邇夫以天下為事爰及干戈自古有之無辜之民初無
與焉若彼界軍民官吏人等去逆効順與 來附或別立
奇功者驗等第官資遷擢其所附軍民宜嚴勅將士毋得
妄行殺掠父母妻孥家口毋致分散仍加賑給令得存濟
其或固拒不從及迎敵者俘戮何疑故茲詔示想宜知志
歸附安民詔至元十三年二月 日

皇帝聖旨宣諭臨安府以次新附府州司縣官吏士民軍卒諸
色人等間者行中書省右丞相伯顏遣使來奏送母后幼
主洎諸大臣有官已百官于正月十八日賫璽綬奉表降附朕
惟自古降王必有朝覲之禮已遣使特往迎致爾官吏軍

民人等各守執業其勿妄行事理區處于后見后聖政各類

頒授時歷至元十七年六月 日欽奉

聖旨自古有國牧民之君必以欽天授時為立治之本黃帝堯
舜以至三代莫不皆然為日官者皆世守其業隨時考驗
以興天 故歷法無數更之弊及秦滅先聖之術每置閏
於歲終古法蓋殫廢矣由兩漢而下立積年月日法以為
推步之準因仍沿襲以迄于今天運流行不息而欲以
一定之法拘之未有久而不差之理差而必改其勢有不
得不然者今命太史院布作靈臺臺義制義象日測月驗以考
其度数之真積年日法皆所不取庶幾昭合天運而永終

無弊乃者新歷告成賜名曰授時歷自至元十八年正月一日頒行告布遐邇咸使聞知

上尊號詔至元二十一年五月 日欽奉

聖旨節談諭中書省樞密院御史臺內外大小官吏軍民人等諸色惟我

祖宗創業垂統區宇之廣衆所悉知其御下也為善而有功必賞為惡而有罪者必罰此我

祖宗之定制也比者公卿耆舊請闕拜章謂朕壽祉方隆奉進冊寶請上尊號屬茲大慶宜布寬條茲因播告中外凡爾有衆自今以始各務惟新無替朕命故茲詔示想宜知悉

頒至元鈔至元二十四年閏二月 日欽奉

皇帝聖旨鈔注之行二十餘載官吏奉法不虔以致物重鈔輕公私俱弊比者廷臣奏請謂法弊必更古之道也朕思嘉之其造至元寶鈔頒行天下中統寶鈔通行如故率至元寶鈔一貫文當中統寶鈔五貫文子母相權官民通用務在新者無冗舊者無廢上不虧國下不損民其聽毋忽朕不食言故茲詔示想宜知悉

成宗欽明廣孝皇帝

登寶位詔至元三十一年四月 日欽奉

皇帝聖旨取惟

太祖聖武皇帝受

天明命肇造區夏

聖聖相承光熙前緒追我

先皇帝體元居正以來然後興^典肇文物大備臨御三十五年薄

海內外因不臣屬宏規遠畧厚澤深仁有以行

皇元萬世無疆之祚我

昭考早正儲^位往德盛功隆天不假年四海缺望願惟眇質仰荷

先皇帝殊眷往歲之夏

親授皇太子寶符^付以撫軍之任令春

宮車遠馭奄棄臣民乃有宗藩昆弟之賢戚^晚疏官僚之舊

謂

祖訓不可以違神器不可以曠昧承

先皇帝夙昔付托之意合辭推戴誠切意堅朕勉徇所請於四

月十四日即皇帝位可大赦天下自四月十五日昧爽以

前除殺祖父母父母妻妾殺夫奴婢殺主不殺^赦外其餘一

切罪犯已發覺未發覺已終^結正未終^結正罪無輕重咸赦除

之敢以赦前事相告言者以其罪罪之欽此

追尊

昭考太母元妃詔至元三十一年四月 日欽奉

聖旨禮莫大於正名孝宜先於報本朕仰繩

祖武丕紹皇圖惟

昭考之仁明徽稱未著特

慈幃之鞠育大德難酌爰當踐祚之初首篤尊親之義謹依故

事追尊

皇考曰皇帝尊

太母元妃曰皇太后其應追行典禮令有司以次討論以聞咨

爾臣民懃予至意故茲詔示想宜知悉

冊

世祖裕宗皇帝謚號至元三十一年六月 日欽奉

聖旨節文朕嗣天歷服祇奉

宗廟念寧神所以為孝歟福所以錫民廼者恭惟

世祖聖德神功文武皇帝

昭睿順聖皇后

裕宗文惠明孝皇帝請謚于

南郊奉冊于

大室有嚴

吉亨咸薦

徽彌惟播告之修溥德施於天下代有故常其可弗率朕

初政所欲行之事姑以數條申畫于后云於戲繼志述事

答

祖宗在天之靈發政施仁示民物皆春之意故茲詔示想宜知悉

元貞改元至元三十一年十一月 日欽奉

聖旨朕荷

天洪禧承

祖丕業守成繼統弗替于孝思踰年改元勉遵于舊典履端伊
邇紀號惟新可改至元三十二年為元貞元年咨爾有眾
體予至懷故茲詔示想宜知悉

大德改元大德元年二月 日欽奉

聖旨節文朕荷

天地之洪福承

祖宗之丕祚仰遵成憲庶格和平比者藥木忽見兀魯速不花

朶兒朶壞等去逆效順率眾內附畢會親宗釋其罪戾適

星芒之垂象豈天意之微予宜推一視之仁誕布更新之

政可改元貞三年為大德元年所有詔條開列于后見聖

於戲側躬修行咸據奉若之誠草故從新律底雍熙之治

咨爾臣庶體予至懷故茲詔示想宜知悉

立

皇后詔大德三年二月 日欽奉

聖旨聖哲造邦始于宮壺蓋風化之原人倫之本冊后有儀前

代令典

世祖聖德神功文武皇帝已常舉行朕即位之初立元勳世戚伯 吾氏為皇后然典禮未備比遵

先制於十月十五日授以玉冊玉寶既正位于長秋宜渙頒於大號故茲詔示想宜知悉

立

皇太子詔大德九年六月 日欽奉

皇帝聖旨惟我

太祖世武皇帝

世祖聖德神功文武皇帝規模宏遠預建儲嗣式與古合朕恪

遵

祖宗成憲允協昆弟僉言立嫡子德壽為皇太子茲有日矣比

者遠近宗親復以為請又中書有司及諸老臣請授冊寶

昭示中外朕俯從眾願於今年五月授以皇太子寶所有

冊禮其如常制屬茲盛舉宜布新恩條畫見后於戲慶行

無疆既正名于國本仁同一視尚均福於黎元故茲詔示

想宜知悉

武宗統天繼聖欽文英武章孝皇帝

登寶位詔大德十一年五月 日欽奉

皇帝聖旨昔我

太祖皇帝以武功定天下
世祖皇帝以文德洽海內
列聖相承丕行無疆之祚朕自

先朝肅將天威撫軍朔方殆將十年親御甲冑力戰却敵者屢
矣方諸蕃內附適事以寧遽聞

宮車晏駕廼有宗室諸王貴戚元勳相與定策於和林咸以
朕為

世祖曾孫之嫡

裕皇正派之傳以功以賢宜膺大寶朕謙讓未遑至於再三還
至上都宗親大臣復請於朕間者奸臣乘隙謀為不軌賴

祖宗之靈 母弟愛育黎拔力八達稟命

太后恭行天罰內難既平神器不可以久虛

宗祧不可以乏祀合辭勸進誠意益堅朕勉循輿情於五月二

十二日即

皇帝位任天守重若涉淵冰屬嗣服之云初其與民而更始可

大赦天下自五月二十二日昧爽以前除謀殺祖父母父
母妻妾殺夫奴婢殺主不赦外其餘已發覺未發覺已結

正未結正罪無輕重咸赦除之敢以赦前之事相告言者

以其罪罪之所有便民事宜畫列于后見后聖於戲丕承

丕顯敢志持守之心于蕃于宣效忠勤之力其毗新政聿

底隆平咨爾多方體予至意故茲詔示想宜知悉
尊

皇太后詔大德十一月五日 日欽奉

皇帝聖旨蓋聞孝治天下者王政所先養以天下者尊稱為大
朕恭承

先德寅紹丕基愴

昭考之長違賴

慈闈之萬祐方衍無疆之慶曷勝報本之情謹依

先朝成憲追尊

皇考曰皇帝尊

大母元妃曰皇太后其應行典禮有司以次舉行咨爾臣民體

予至意故茲詔示想宜知悉

建

儲詔大德十二月六日 日欽奉

皇帝聖旨朕承

列聖之貽謀協宗王之翊戴必謹親賢之託共成繼述之功

毋弟愛育黎民力八性稟溫文行全孝敬風著忠勤之節

素明治理之方載惟靖亂之殊勲式副元良之遺命乃遵

裕皇居東宮舊制於六月朔旦授以

皇太子金寶俾領中書之務仍兼宥密之司匪特篤兄弟愛

友之情寔以行

宗社隆昌之祚咨爾多方體予至意故茲詔示想宜知悉

至大改元詔大德十一年十二月 日欽奉

皇帝聖旨仰惟

祖宗應天撫運肇啓疆宇華夏一統罔不率從逮朕嗣服丕圖
續膺景命遵承詔訓恪慕洪規祇惕畏兢未知攸濟永思
創業艱難之始兢兢然幹念而守成萬事之統在予一人故
自即位以來溥從寬大量能授官俾勤乃職夙夜以永康
也民為急務問者比歲不登流民未還官吏並緣侵漁上
下因循和氣乘_年戾是以責性_任朕眩_眩耳目大臣思所以畫_瘳

贊襄嘉謨嘉猷朝夕入告朕命惟允庶事克諧樂與率士
之民共享治安之化邇寧遠肅願不違歟可改大德十二
年為至大元年誕布惟新之令式享永固之休畫一事宜
開頒于后

於戲建元立極然正始于王春經世裕民尚仰成于台輔
庶幾中外同底和平咨爾多方體予至意故茲詔示想宜
知悉

上尊號恩詔至大二年二月 日

皇帝聖旨朕荷

三靈之隆眷承

列聖之丕基永言置器之難恒切履冰之懼延者

皇太子率中外臣庶僉謂撫軍十載遐裔悉平當宁九重成

規具舉若稽舊典盍進徽伯編豈朕躬所克當惟

祖武之顯式已于正月七日辛卯御大明殿受

統天夫繼聖欽文英武大章孝之號越五月乙日躬詣

大室恭謝訖爰念即位以來恒以賑灾恤民為務而恩澤猶未

溥博流離猶未安集豈有司奉之不至歟今特命中書省

遴選内外官僚專以撫治為事簡汰冗員樽節浮費一新

政理斯稱朕意

於戲薦鴻名而嚴寶冊既俯循於輿情肆大賚春以濟黎元

其博加於寔惠尚賴宗親近輔羣辟庶司勉効忠勤同躋

康乂

頒至大銀鈔銅錢詔至大四年廢罷銀鈔銅錢今並不錄

登寶位詔至大四年三月十八日

上天眷命

皇帝聖旨惟昔

先帝事

皇太后撫朕躬躬孝友夫天至由朕託

順考遺體重以母弟之嫡加有削平内難之功於其踐祚曾未

踰月授以

皇太子寶領中書令樞密使百揆機務聽所總裁于今五年先帝奄棄天下勲戚元老咸謂大寶之經既有成命非與

前聖賓天而始徵集宗親而議所立者比當稽周漢晉唐故事

一即正宸極朕以國恤方新誠有未忍是用經時今則上奉

皇太后勉進之命下循諸王勸戴之誠三月十八日於大都大

明殿即皇帝位凡尚書省誤國之臣先已伏誅同惡之徒

亦已放殛百司庶政潘歸中書命丞相帖木迭兒平章政

事完澤李道復等從新極治可大赦天下自三月十八日

昧爽以前除謀反大逆殺祖父母父母妻妾殺夫奴婢殺

主強盜殺傷事主不赦外其餘一切罪犯已發覺未發覺

已結正未結正罪無輕重咸赦除之敢以赦前事相告否

者以其罪罪之其可為令法程拯民急者具如左方見后

類於戲况我有官君子皆古所謂治天職食天祿者宜一

心力欽乃攸司藥替朕命故茲詔示想宜知悉

皇慶改元詔至大四年十月

上天眷命

皇帝聖旨朕賴

天地

祖宗之靈纂承聖緒永惟治古之隆群生成遂國以乂寧朕夙

興夜寐不敢怠違任賢使能興滯補弊庶其臻茲欽時五

福用敷錫厥庶民朕之志也踰年改元厥有藝典其以至
大五年為皇慶元年故茲詔示想宜知悉

立后詔皇慶二年三月

上天眷命

皇帝聖旨易述家人詩美關雎故帝王受命必建置后妃所以
順天地之義重人倫之本也弘吉刺氏發由世戚來嬪我

家事

皇太后有孝恭之懿輔服躬著淑慎之善於三月十六日授以
玉冊玉寶立為

皇后於戲位乎內位乎外得道政之相成用之國用之鄉庶民

風之丕變故茲詔示咸使聞知咨尔多方悉予至意
延祐改元詔皇慶三年

上天眷命

皇帝聖旨惟

天惟

祖宗眷祐有國朕自即位于今四年比者陰陽失和星芒示儆
豈朕躬修德之未至耶抑官吏未選而政令之或乖耶思
以回天心召和氣側身修行寔切余衷庸勅攸司務共殫
職爰布惟新之令誕敷濟衆之仁可改皇慶三年為延祐
元年所有合行事理條列于后見后聖類於戲以寔應天爰

聿新于庶政用孚有衆同保合于太和咨尔多方體予至意故茲詔示想宜知悉

赦罪詔延祐四年正月初十日

上天眷命

皇帝聖旨朕仰惟

太祖皇帝聖訓若曰應天順人惟以至誠保安天下宜遵正道

重念

列聖繼承丕祚我

世祖皇帝混一之初顧予非德懼弗克荷不遑寧處比者忽失刺年屬幼弱聽信憸人阿思罕_罕等謀為不軌搆亂我家已

為陝西省行臺管軍官等將叛賊阿思罕教化徹里哥思等斬首以徇其同罪及脅從者欲盡加誅有所不忍宜推曠蕩之恩開以自新之路可大赦天下自延祐四年正月初十日昧爽以前除殺祖父母父母不赦外其餘常赦所不原者罪無輕重咸赦除之若有避罪逃徙逆黨或竄匿民間及嘯聚山林者赦書到日限一百內許令出首與免本罪限外不首復罪如初條畫見聖政各類於戲赦過宥罪惟期反側之安發政施仁聿底隆平之治敢以赦前事相告書者以其罪罪之咨尔有衆體予至懷故茲詔示想宜知悉

建儲詔延祐四年閏正月

上天眷命

皇帝聖旨朕荷

上天之鴻禧纂

列聖之丕緒比承

皇太后慈訓若稽

世祖皇帝成憲深為國本宜建儲嗣親王大臣僉言凡同皇子

碩德八刺地居嫡長矣錫仁孝可以主重器奉

宗祧已於延祐三年十二月十九日授以金寶立為皇太

子中書令樞密使一如舊制具有司備立冊命因茲盛舉

庸布新條條畫見后於戲萬國以貞允屬元良之重四方
其訓永建太平之基咨尔臣民體予至意故茲詔示想宜
知悉

授皇太子玉冊詔延祐六年六月

上天眷命

皇帝聖旨朕惟

世祖皇帝憲帝隆古垂裕萬世灼有垂訓預建嫡嗣是以協謀

僉言立皇太子碩德八刺為皇太子付之金寶以嘗詔告

天下若稽冊命屬當舉行於今年十月七日授以玉冊大

禮慶成於戲

天地之德

宗社之靈固本既崇人心攸繫凡爾有司庶府暨于多方有衆

各安職業永底治平故茲詔示想宜知悉

今上皇帝

登寶位詔延祐七年三月

上天眷命

皇帝聖旨洪惟

太祖皇帝膺期茲運肇開帝業

世祖皇帝神機睿畧統一四海以

聖繼聖追我

先皇帝至仁厚德涵濡群生君臨萬國十年于茲以社稷之遠

圖定天下之大本協謀宗親授子冊寶方春宮之興政遽

昭考之賓天諸王貴屬元勳碩輔咸謂朕宜體

先皇帝付託之重膺

皇太后擁祐之慈既深繫於人心詎可虛于神器合辭強進誠

意交孚乃於三月十一日即

皇帝位於大明殿誕受惟新之命庸推在宥之恩可赦天下自

延祐七年三月十一日昧爽以前除謀反大逆謀殺祖父

母父母妻妾殺夫奴婢殺主謀故殺人但犯強盜印造偽

鈔侵盜短少係官錢糧不赦外其餘一切罪罪已發覺未

發覺已結正未結正罪無輕重咸赦除之敢以赦前事相
告言者以其罪罪之所有合行事宜畫一于后見聖政尚
念

祖宗丕緒持守維艱萬幾之繁罔敢暇逸更賴遠近勲戚左右
臣鄰咸一乃心以輔予治咨尔多方體予至意故茲詔示
想宜知悉

上

太皇太后尊號詔延祐七年三月

上天眷命

皇帝聖旨為治之端無如于立孝報本之義莫大于事親朕肇

續丕圖恪遵彝典欽惟

儀天興聖慈仁昭懿壽元全德泰寧福慶皇太后仁明淵靜淑

睿懿恭定大策于兩朝功施社稷著徽音于四海慶行本

本夙荷

宮慈撫予眇質求仰酬于

厚德宜首進于

隆名謹上尊稱曰

太皇太后其應合行典禮令有司討論以聞咨尔臣民體予至

意故茲詔示想宜知悉

至治改元詔延祐七年十一月

上天眷命

皇帝聖旨朕祇遵詒謀獲承丕緒念付托之惟重願繼述之敢忘爰以延祐七年十一月初二日被服袞冕恭謝于

太廟既大禮之告成宜普天之均慶屬茲踰歲用易紀元予以通天地之至和予以法春秋之謹始可改延祐八年為至治元年所有便民事宜條列于后

於戲奉先思孝式昭報本之誠發政施仁_肆底錫民之福咨尔有衆休予至懷故茲詔示想宜知悉

聖政卷之一

典章二

振朝綱

至元十九年七月福建行省准

中書省咨御史臺呈今月十五日本臺官

奏過在先諸衙門奏事呵御史臺官一同聞奏這般

聖旨有來在後俺根裏不曾一處奏他每奏了的後頭分付與俺奏有來今後依自在先敕例一處奏呵怎生奉

聖旨這般是你底勾當依自在先行更說與各衙門者欽此于

十七日就

皇太子幹耳朵裏今閣閣木納真不花

啓奉

令旨依着

聖旨行者敬此於二十日又奉

令旨在先奏事呵搭察兒有時節這般一處行來如今依着

在先

聖旨行者欽此

大德十一年八月 日欽奉命相

詔書節文庶務有所未便者中書省從新擬治次第舉行內
外大小諸衙門官吏除奉行本管職事外一應干係軍民
站金場銀冶茶鹽鉄戶課程寶鈔刑名選法糧儲造作差

役等事毋得隔越中書省輒便聞奏從而攪擾事有必須
奏聞者亦須計稟中書省然後奏聞違者國有常憲

大德十一年十二月 日欽奉至大改元

詔書內一款設官分職各有攸司中書省輔弼朕躬總理庶
政中外越分奏事者即位之初已常戒飭今後近侍人負
內外大小衙門欽依已降

聖旨除所掌事外凡選法錢糧刑名造作軍站民匠戶口一切
公事並經由中書省可否施行毋得隔越奏聞違者究治

至大元年三月 日江浙行省准

中書省咨大德十一年十月十二日傳奉

聖旨也里審班不干碍自己先生每底勾當有來又阿里不干碍自的封贈的勾當奏有來者官人每根底說者今後不揀是誰除自己合管的勾當外其餘橫枝兒的勾當外做官的人每的勾當隔越省官人每休奏者各衙門裏省諭行文書者誰奏呵喫棒子者麼道傳

聖旨來欽此

至大元年七月欽奉

皇帝聖旨中書政本也軍國之務小大由之朕自即位以來勵精求治爰立輔相以總中書期年於茲大效未著豈選用之未當歟何萬機之猶繁而群生之寡遂也今特命左丞

相塔思不花為中書右丞相太保乞台普濟為中書左丞相統百官平庶政使者舉行弊者革去一新條理諸內外大小事務並聽中書省區處奏聞違者論罪

又一款刑名糧儲造作軍民站赤差發金銀茶鹽鈇冶諸項課程並聽中書省節制施行諸王公主駙馬不以是何勢要人等毋得攪擾沮壞近侍人負及內外諸衙門毋得隔越輒便奏聞其有必合上聞事宜理亦須先行計稟中書省奏聞

至大四年三月欽奉

登寶位詔書內一款中書庶政之本凡制詔號令錢糧選法刑

名一切政務並從中書省聞奏區處除樞密院御史臺樞密院宣政院各遵舊制其餘諸衙門及近侍人等敢有擅自奏啓中書廢政務者以違制論罪

至大四年四月十一日 中書省奏

世祖皇帝時分不揀誰根底而執把的

聖旨必闍赤每根底休教換越着奏有來

世祖皇帝之後各枝兒裏近行的官人每等

上位奏了多與了

聖旨來可憐見呵依着

世祖皇帝休察裏中書省樞密院御史臺宣政院這四個衙

門官人每根底其餘不揀誰越者着俺與了

聖旨不教奏呵怎生麼道奏呵說的是有您如今除那四座衙

門外其餘各衙門裏各枝兒裏近人行的官人每等不揀

是誰必闍赤根底換越着與了

聖旨的休教奏者官人每各處行將文書去者麼道

聖旨了也欽此都省仰欽依施行

肅臺綱

至元三十一年七月欽奉

聖旨節文今命月魯那之太師錄軍國重事御史大夫首振臺
綱凡軍民士庶諸色戶計所在官司不務存心撫治以致
軍民困苦或冤滯不為審理及官員侵盜欺誑汚濫不法
若此之類肅政廉訪司監察御史有能用心糾察量加遷
賞若罪狀明白廉訪司御史台不為糾彈受賂循情或別
作過犯諸人陳告得寔罪比常人加重誣告者抵罪反坐
肅政廉訪司官監察御史察出公事取問其間諸人毋得
攪擾沮壞彼若恃此非理妄行以致人難寧不畏畏罪其

御史肅政廉訪司監察御史應有大小公事照依累降
聖旨條畫施行各盡乃心毋曠厥職故茲誠諭想宜知悉

大德五年三月 日欽奉

皇帝聖旨中書省官人每根底樞密院官人每根底行中書省
官人每根底內外大小諸衙門官吏每根底宣諭的聖旨
御史臺官人每奏自立臺以來糾彈罷取受的官吏數多
不知自己罪過的人每妄生事端沮壞臺事元貞元年明
里不花杭州省裏行省特分題說的上頭察知宣慰司官
的罪過呵與行省同官審知路官的罪過呵與宣慰司官
同審州縣官的罪過與路官同審這中間寧得有宣慰司

相離行省遠的往復一萬里的也有難以同審又監察每
行省令吏每的稽遲違錯尋出來呵與行省司一同審了
亦有行省官終是一個勾當裏行有同審呵不便當又廉
訪司察知的勾當裏事干人衆卒難結絕的公事管民官
裏休摘委一員一司裏歸問的上頭州縣勾當多廉推着
公事成就不得這五年行台廉訪司監察每累了的文字
裏說將來以依在前行來的體例裏交行呵怎生麼道奏
來今後但是內外勾當行的大小衙門裏官吏每各自委
付來的勾當謹慎成就者教百姓安着廉訪司監察每用
心體察者勾當謹慎行的定跡有呵將他每姓名申臺者

要肚皮沒体例行的依着立廉司訪以來

世祖皇帝以降聖旨事意受勅官廉訪司問的招了呵行務總司會議斷者事重申臺者受宣官申台聞奏者被問的官吏他每的罪過既有顯驗避罪番異呵再差官問的招了呵比本罪上加等要罪過者監察每照刷出行省令史稽遲違錯輕罪就便斷決重事申台者廉訪司問的公事裏頭有干礙人衆卒難結絕不能親到呵管民官裏遲廉幹人員歸問廉訪司官監察每不為用心体察分外沒体例呵罪比常人加重者

大德五年八月欽奉

詔書內一款行中書省宣慰司肅政廉訪司列置諸路之上本以弭盜賊修政事糾不法撫良民也近年於此畧而不問自今各修乃職凡在所屬之內常加檢責期於政成民安諸路鎮靜而已有不稱其責任者從中書省御史臺錄其寔跡聞奏黜罰

又一款近年累降詔條各處官司有奉行不至者仰中書省宣慰司廉訪司隨事舉聞

大德十年五月十八日欽奉

詔書內一款監察御史廉訪司官吏所以糾劾官邪徇求民瘼肅清刑政共成治功今後各思所職有徇私受賂者照

依已降

聖旨加重治罪

至大二年九月 日尚書省欽奉

詔書內一款風憲為紀綱之司民生休戚官政廢舉關係非輕御史臺戒飭監察御史廉訪司體承美意協贊治功所司奉詔不虔並行究治

至大四年四月 日住罷銀鈔銅錢

詔書內一款風憲之官職膺耳目糾劾百司凡政令之從違生民之休戚言責所關寔要且重惟今百度載新圖治伊始式遵

世祖皇帝以來

累朝成憲各揚乃職以肅政綱

飭官吏

中統五年八月初四日中書省欽奉

聖旨內一款節該諸縣令品秩雖下所任至重民之休戚繫焉
往往任用非其人致使恩澤不能下及民情不能上達招
克侵凌為害不一今擬於省併到州縣內選差循良廉幹
之人以克縣尹給俸公田專一撫字吾民布宣新政仍擬
以五事考較而為升殿戶口增田野闢詞訟簡盜賊息賦
役平五事備者為上選內三事成者為中選五事俱不舉
者黜

至元二十二年二月欽奉

聖旨內一款在先考課雖以五事責辦管民官為無激勸之方
徒示虛文竟無寔效自今每歲終考課管民官五事備具
內外諸司官職任內各有成效者為中考第一對官品加
妻封號第二考令子弟承廕叙仕第三考封贈祖父母父
母品格不及封贈者量遷官品其有政績殊異者不次陞
擢仰中書省參酌舊制出給誥命施行

至元二十二年 月欽奉

聖旨節該建立朝省分布州縣設置州吏本以為民耳目今現
任京府州縣官吏內有循良勤幹亦有賍污不公之人未
嘗陞遷黜罰

冗事繁因循苟且政無可考害及民多擬三十個月一次
考功過為最殿以憑遷轉施行庶有為官廉能者知有賞
貪污者知有罰為民絕侵漁之患享有生之樂欽此

大德十年五月十八日欽奉

皇帝聖旨朕自即位以來累降詔旨圖治雖勤績効未著蓋司
民政者撫字垂方居風憲者彈劾失當不能副朕愛民恤
元元之意今命右丞相荅刺罕左丞相阿忽台中書省官
從新審整治其布告天下凡在官司自今以始洗心揚慮
各盡乃職貪污敗政者責罰黜降廉勤公正治有成效者
特加陞擢期于政化流行黎民安享和平之治

又一款內外官吏公勤奉職遵守累降詔條撫安百姓
有劾者仰監察御史廉訪司從公體察具寔跡申臺復察
呈省量加陞擢其奸貪不法蠹政害民者糾治

大德十一年十二月 日欽奉至大改元

詔書內一款張官置吏本以為民祿廩既頒承廩有叙待隆
之禮不為不優補報之誠豈可弗盡自今以始各修乃職
如或不慎監察御史廉訪司嚴加糾察年終考具殿最者
各一人具寔申聞以憑黜陟

至大元年七月欽奉立左丞相

詔書內一款內外大小官自人等廉勤材幹盡心奉職比中

書省舉明旌擢貪饕慵懶擾民敗事者中書省照依累降
聖旨條格斷罪黜降重者奏裁

至大二年二月欽奉

上尊號詔書內一款張官置吏俸祿公田以養其廉陞轉封
廕以榮其家期於洗心奉職安民辦事以圖報稱向者

世祖皇帝累嘗戒飭貪饕獎進廉能守令以下各有定條令中
外奉公者少循私者多其各修乃職草非嚮善務在勸農
桑興學校撫安百姓嚴戒吏胥如不修其職驗罪輕重黜
降憲司失於繩糾不勝職任者從御史臺奏代仍仰監察
御史廉訪司遵依前詔年終每道考其殿最者各一人具

寔申聞以憑黜陟

至大二年九月 日申立尚書省

詔書內一款三載考績三考黜陟幽明比古者責成悠久之慮今路州司縣親民正官從宜以九年為限歲考治功以示黜陟有撫字盡心百姓安阜鈔法疏通政事卓異者不次旌擢其不盡職而有私犯者懲以重罪

至大四年三月十八日欽奉

登寶位詔書內一款內外百司各有攸職其清慎公勤政蹟昭著五事脩具者從監察御史肅政廉訪司察舉優加遷擢廢公營私貪污敗事諸人陳告得寔依條斷罪枉法贓

滿者應授宣勅並行追奪吏人犯贓終身不叙誣告者抵罪反坐

延祐七年十一月欽奉 至治改元

詔書內一款守令賢否民之休戚所係必得其人乃能宣化比者舉劾殿最掌任臺察今徒知黜貪而不知揚善殊失懲勸之道今後從監察御史肅政廉訪司官於常選人中每歲貢舉可令守令者二人並須指陳廉能寔跡色目官初舉漢官復察漢官初舉色目官復察限次年三月以裏申臺呈省籍其姓名以備擢用既用之後考其政績成敗與元舉官同示責罰違期不舉罪亦及之

守法令

至元二十八年六月 中書省欽奉

詔條戒諭內外大小官吏事意除已欽依差官分道宣布去
訖所有時宜整治事例

奏准定為至元新格刻梓頒行凡在有司其務遵守

至元三十一年四月欽奉

詔赦節文

先皇帝體元居正以來然後典章文物大脩臨御三十五年薄
海內外因不臣屬宏規遠畧厚澤深仁有以行

皇元萬世無疆之祚

一詠載不盡事件欽依

先皇帝累降

聖旨條畫施行外據民間利害興除有未盡當今急務有未行者仰中書省續議

聞奏尚念

先朝庶政悉有成規惟謹奉行因聞敢失墜

大德十一年五月日欽奉

登寶位詔書內一款應合行事理遵守

世祖皇帝累降

條格事宜施行民間利害有合興除者中書省續議

奏聞

至大四年三月欽奉

登寶位詔書內一款庶事更張圖治伊始凡經國大適猷式遵

世祖皇帝以來成憲仰中書省叅酌時宜次第舉行

舉賢才

至元十三年二月 平定江南

詔書內一款前代聖賢之後高尚僧道儒醫卜筮通曉天文
與歷數并山林隱逸名士仰所在官司具寔以聞

至元十三年 月 日欽奉

詔書內一款節該亡宋歸附有功官員并才德可用之士窮
居無力不能自達者所在官司開具寔跡行移按察司體
覆相同申臺呈省以憑錄用

至元二十八年三月欽奉

詔書內一款節該廉幹人負不肯賄賂權臣隱晦不仕在近

知名者尚書者就便選用在外居住者所在官司以名薦舉

大德九年六月 寬恩

詔書內一款天下之大不可忘治擇人乃先務者也仰御史臺翰林院國史院集賢院六品於五部以上諸司人內各舉廉能識治體者三人以上行省行臺宣慰司南政廉訪司各舉五人務要皆得實材材毋但具數而已

皇慶二年 月頒行科舉條制 見偶教類

延祐七年十一月欽奉 至治改元

詔書內一款比歲設立科舉以取人材尚慮高尚之士晦跡

邱園無從可致各處其有隱居仁義才德高邁深明治道不求聞達所在長官具姓名行寔牒報本道廉訪司復察相同申臺呈省聞奏錄用

求直言

中統元年五月欽奉

詔書內一款朕自即位以來宵衣旰食孜孜求治然天下之大萬事之衆豈能遍知自今凡政令之未便人情之未達朝廷得失軍民利害有上書陳言者皆得寔封呈獻其在內者呈省聞奏其在外者赴各處宣撫司投進繳申赴省聞奏若言不可採並無罪責如其可用朝廷復優加遷賞以旌忠直

至元二十九年四月行樞密院准

樞密院咨准江西行省差官開讀

聖旨節談漢兒蠻子田地裏提說裏勾當來的人不揀是誰休
遮當者欽此除欽依外照得管下鎮守萬戶府軍官人等
不時差提諸處鎮守收捕草寇今後若有軍官陳說便宜
勾當便令前去切恐失候調度合無寔封因便使骨孽前
去請照驗定奪事准此至元二十九年正月初十日本院
官

奏月的迷失奏將來今夏省官奏陳言的人有呵休遮當者
教上頭來者麼道

聖旨了也麼道遍行的文書行來有如今軍官每俺有提說言
語麼道裏人多有去理他每根底教來呵他的軍每沒人

管的一般有俺這生理會麼道說將來有麼道奏呵奉

聖旨我是那般道來今後有人陳言的事有呵着文字封着與
將來者他每根底休教來者麼道

聖旨了也欽此

大德十一年十二月 至大改元

詔書內一款朕自即位以來孜孜求治四海之廣萬機之衆
豈能周知尚賴輔弼之臣朝夕啓沃以匡不逮然恐下情
不能上達凡政令得失軍民利病許諸人上書陳言在內
者陳省間奏在外者經由有司投進若言無可採並無罪
責如其可取量加遷擢其蠹政害民事理仰巡歷監察御

史肅政廉訪司官仔細探訪應厘革者就為厘革合申聞者即便申聞

至大二年九月 日申立尚書省

詔書內一款言路之通塞政治之得失繫焉臣民寔封言事已有

先朝累降詔旨然奉行未至自今朝廷得失軍民利害有上書陳言者皆得寔封上聞在外者附所屬轉達尚書省如言可採優加旌擢如不可用及指切時政並無責譴

至大四年三月十八日欽奉

登寶位詔書內一款諸上書陳言已有累朝令典凡言軍民

利病政事得失有可採者量加旌擢如不可採並無罪譴
延祐七年十一月欽奉 至治改元

詔書內一款天下之大機務惟繁博採輿言庶能周悉自今諸內外七品以上官有能畫長策可以濟世安民者寔封呈省如其可用優加旌擢諸人陳言並依舊制

興學校

至元三十一年四月 日欽奉

登寶位詔書內一款學校之設本以作成人材仰各處教官

正官欽依

先皇帝已降

聖旨主領敦勸嚴加訓誨務要成才以備擢用仰中書省議行
貢舉之法其無學田去處量撥荒閑田土給贍生徒所司
常與存恤

大德十年五月 日欽奉 整治恤民

詔書內一款所在蒙古儒學教官務要用工講習作養後進

有錢糧去處有司毋得干預侵借廉訪司以勉力宣明為職所至之處嚴加程督毋得廢弛教官不稱職任者糾劾

大德十一年五月 日欽奉

登寶位詔書內一款學校風化之原人材所在仰教官提調官勉勵作養業精行成以備擢用應係藉儒戶雜泛差役依例蠲免

大德十一年十二月 日欽奉 至大改元

詔書內一款興舉學校乃王政之所先爰自累朝教養不輟迄今未見成效今後路府州縣正官教官照依累降條畫主領敦勸廉訪司常加勉勵務要作成人材以備擢用其

貢舉之法中書省續議舉行

至大二年九月 日欽奉改尚書省

詔書內一款學校之設所以明人倫養賢為政之要莫先於此宜令路府州縣正官躬親勉勵各得其才以備選舉其在學儒人課講不廢者與免雜泛差役廉訪司叶同敦勸至大四年三月十八日欽奉

登寶位詔書內一款國家內置監學外設提舉教授將以作養人材宣暢風化今仰中書省自國子監學為始拯治各處州郡正官肅政廉訪司申明舊規加意敦勸若教官非才學校廢弛者從監察御史肅政廉訪司糾劾

延祐四年閏正月 日欽奉 建儲

詔書內一款學校為政治之本風化之源仰各道肅政廉訪
司官管民提調正官常加勉勵務要作成人材以備擢用
延祐七年三月 日欽奉

登寶位詔書內一款農桑學校王政之本蓋務農所以厚民
勸學所以興化

累朝相繼具有典章仰各處提調官常切加意勉求實効勿事
虛文其科舉貢試之法並依舊制

勸農桑

至元七年二月欽奉

皇帝聖旨宣諭諸路府州縣司達魯花赤管軍官管民官諸提
下官員軍民諸色人等近為勸課農桑已嘗遍諭諸路牧
民之官南提刑按察司講究到先後合行事理再命中書
省尚書省叅酌衆議取其便民者定例條目特設司農司
勸課農桑興舉水利凡滋養栽種者皆附而行焉仍分布
勸農官及知水利人負巡行勸課舉察勤惰委所在親民
長官不妨本職常為提點年終通考農事成否本管上司
類申司農司及戶部照驗任滿之日於解由內明注此年

農桑勤惰赴部照勘以為殿最提刑按察司更為體察期於敦本抑末功效必成

至元三十一年四月欽奉

詔書內一款國用民財皆本於農所在官司欽奉

先皇帝累降聖旨歲時勸課當耕作時不急之役一切停罷無致妨農公吏人等非必須差遣者不得輒令下挪仍禁約軍馬不以是何諸色人等毋得縱放頭疋食踐損壞桑果田禾未違者斷罪倍還

大德七年三月初三日欽奉 奉使宣撫

詔書內一款農桑衣食之本比聞勸官司率多廢弛依仰已

降條畫常加勸課期於有成

大德十年五月十八日欽奉 整治恤民

詔書內一款農桑衣食之源經費役出責任管民勸農廉訪司提調近年往往懈弛殊失布本裕民之意照依累降條畫依時勸農懈惰者懲戒路府州縣不急之役毋得妨奪農功

大德十一年十二月欽奉 至大改元

詔書內一款農桑者國家經賦之源生民衣食之本

世祖皇帝以來累降詔旨誠諭勸農而有司奉行不至加之軍馬營寨飛放違例提養馬駝人等縱放頭疋食踐田禾損

壞樹木以致農桑隳廢今後路府州縣達魯花赤長官常切禁約若有違犯之人斷罪陪償各管頭目有失幹束具以名聞仍依時勸課務要寔效大司農司年終考其殿最以憑黜陟孝悌力田之人有司申明量加旌賞游隳廢弛者就便懲戒肅政廉訪司並行糾治

至大二年九月欽奉 改尚書省

詔肅內一款農桑天下之本比歲游民逐末害本寔繁宜令所司依時用心勸課毋得事虛文力田農夫常切存恤農務未停不得妄有差擾以奪其時違者重治

至大四年三月十八日

登寶位詔書內一款農桑衣食之本仰提調官司申明累降條畫諄切勸課務要田疇開闢桑果增盛乃為實效諸官豪勢要經過軍馬及昔寶赤探馬喂養馬駝人等索取飲食草糧縱放頭疋食踐田禾桑果者所在官司斷罪倍償仍仰監察御史肅政廉訪司常切糾察著其殿最以憑黜陟

延祐四年閏正月欽奉 建儲

詔書內一款農桑衣食之本公私歲計出焉比間各處農事正官失於勸課致有荒廢甚失重本之意今後仰各處勸農正官嚴切敦勸務要耕種以時田疇開闢桑棗茂盛廉

訪司所至之處考其勤惰而舉劾之

撫軍士

庚申年四月初六日欽奉

詔書內一款節談大軍每年征進行者有暴露之苦居者負輸挽之勞加之管軍頭目不知存恤橫泛科歛以致軍前家中搔擾不安朕甚憫焉今後禁約諸路管軍頭目人等凡事一新毋得循習舊弊若有軍前爭立功勞者速行遷賞例從優厚至於撫綏安養使大軍皆得休息者朝廷別有區處

中統元年五月欽奉

詔書內一款節談凡征進軍人臨陣而亡者被傷而死者其

家屬理當優恤仰各管頭目用心照管無致生憂仍仰各路宣撫司取會見數量給衣糧優恤其家

至元三十一年四月

詔書內一款屯成進征軍人久服勞苦仰管軍官管與魯官撫養軍人與魯不得妄行科配衣糧例應請給者隨時支給無致剋除其臨陣而亡被病而死者尤當哀憫例應存恤一年者存恤二年應存恤半年者存恤一年貧難單弱不能起遣者從樞密院定奪優恤

大德元年二月欽奉大德改元

詔書內一款節該正軍貼戶貧富強弱不均者除常例外各

給布絹疋所在長官常切省視奉行不至廉訪司糾彈

大德三年正月欽奉

詔書內一款陣亡軍戶除依例優恤外若有人力單弱委實貧乏無力者官給衣糧養濟

大德三年三月初三日

詔書內一款遠方陣亡軍人比之常例更尚存恤一半

大德十一年五月欽奉

詔書內一款北方軍官軍人連年征戍勞苦仰樞密院定奪有功者遷賞貧難者賑給戰歿病亡者存恤其家其餘軍人利病別行條具特加優恤仍禁約管軍官與魯官吏毋

得非理科擾

大德十一年十二月欽奉 至大改元

詔書內一款蒙古探馬赤諸翼軍人四方征戍多負勞苦加
以管軍官負與魯官司非理侵漁消乏者各翼從軍若有
貧難已苦到官即尚存恤績有陳言保勘明白一體施行
仍管官軍舉放本管軍人錢物詔書到日盡行倚免典買
親屬悉聽圖賤價不追還和林日肅雲南四川福建兩廣
海北海南左右兩江鎮守新附軍人除常例外今歲量賜
衣裝遠方交換軍官軍人往還行糧依例應付患病者官
給醫藥死者官給埋瘞各處正官親臨提調毋致失所違

者監察御史廉訪司嚴加糾察餘合整治事理樞密院續
議奉行

至大四年三月十八日欽奉

登寶位詔書內一款近設康禮軍衛起遣各路存恤軍人伍
千直沽屯田消乏之餘重經此擾今康禮已令罷散上項
屯軍悉聽放還依舊存恤其餘各處軍人陣亡病死者常
例存恤外各加一年雲南兩廣汀漳泉州鎮守新附漢軍
每名給布一疋

延祐四年閏正月初十日欽奉

建儲詔書內一款遠近諸經行戍守經歲勞苦寔可憫憐其

陣亡之家常例存恤限外更展一年本管翼衛及與魯等官毋得非理科歛違法放債勒要重息監察御史肅政廉訪司常加體究

延祐七年十一月欽奉 至治改元

詔書內一款諸翼軍人終歲勞苦加以管軍與魯官司非理侵漁消乏者衆漢軍貧難已告到官者仰樞密院從新分揀合併存恤管軍官放錢違例多要利息及翻倒文契者詔書到日盡行倚閣和林甘肅雲南四川福建廣海鎮守新附漢軍除常例外每名給布一疋病者官給醫藥死者給燒埋中統鈔二十五兩拘該州縣憑准管軍官印署公

文於本處課程錢內隨即支付候有同鄉軍人回還就將骸骨送至其家違者監察御史肅政廉訪司嚴加糾察其餘合整治事理仰樞密院續議舉行

延祐四年閏正月初十日欽奉

建儲 建儲 詔書內一款探馬赤軍人征進勞苦河南江北經理自寔出田土合該稅糧權行倚閣若有續產依例納稅腹裡軍站限田四頃外延祐四年合納稅糧與免五分

安黎庶

大德十年五月十八日整治政化

詔書內一款喂養馬駝并經過軍馬營寨權豪勢要人等恣縱頭疋食踐田禾桑果樹株者照依已降

聖旨新罪陪償仰各處達魯花赤長官常加禁約違者廉訪司體察究治

大德十一年五月二十一日

登寶位詔書內一款民者國之根本軍國之用廢一切財賦皆所自出理宜常加存撫其經過軍馬牧養馬駝人等毋得取要飲食錢物非理搔擾縱放馬疋踏踐田禾晒咬桑

奏所在官司嚴加禁約違者斷罪陪償本官頭目有失于
鈴東亦仰究治重者申聞

大德十一年十二月 至大改元

詔書內一款圍獵飛放喂養馬駝人等已有官給飲食並不
得搔擾百姓取要酒食草料等物如有違犯之人所在官
司就便追斷重者申聞若有司不為理問監察御史廉訪
司並行糾治過往軍人一體禁約

至大二年二月

上尊號詔書內一款圍獵飛放喂養馬駝及各色過往屯戍
軍馬出使人貪自有合得分例又復欺侵官府擾害百姓

多取飲食錢物縱放頭疋踏踐田禾啣咬木事非一端
民受其害前詔累嘗戒飭今聞仍習前弊固有悛心仰有
司再行禁戢其不為申理者一体斷罪監察御史廉訪司
依期分詣各處嚴加体察

延祐四年閏正月欽奉

建儲詔書內一款經行屯戍軍馬並不得縱放頭疋啣咬桑
枣食踐田禾亦不得於百姓處強行取要酒食搶奪財物
搔擾不安違者仰各道廉訪司本處管民官照依延祐三
年十一月二十五日中書省樞密院御史臺奏定事理歸
斷親管頭目不為約束^東整治千戶以下斟酌輕重就使斷

罪万戶申聞

延祐七年十一月欽奉 至治改元

詔書內一款經過軍馬營帳圍獵飛放昔寶亦并喂養馬駝人等如無省部明文並不得於百姓處取要草料酒食等物縱令頭尺損壞田禾樹株如違所在官司就便追斷重者申聞若有司不為理問監察御史肅政廉訪司並行糾治

重民籍

至元二十八年三月欽奉

聖旨內一款江淮迤南近因抄數戶口民間意謂科取差發妄生驚疑自來戶籍乃有當知之事其勿疑懼

大德二年正月初十日欽奉

聖旨節談諸王公主駙馬依在前

聖旨依例裡漏籍并不干碍他每的戶計休收拾者休隱藏者地土也休占者已收拾來的戶計已占來的土地依體例回付者這般宣諭了呵庶人每隱藏戶計自意占地上諸王公主駙馬每根底呈獻戶計地土呵有罪過者欽此

大德八年二月 日 恤隱省刑

詔書內一款軍站民匠諸色戶計近年以來往往為僧為道影蔽門戶苟避差役若不整治久而靠損貧下人民今後除色目人外自願出家若本戶下力數多差役不關及有昆仲侍養父母者赴元籍官司陳若^告勘當是實申覆各路給據方許簪剃違者斷罪勒令歸俗

大德十年五月十八日整治

詔書內一款諸色戶計已有定籍仰各安生理毋得妄投制管^詔色影蔽差役冒請錢糧違者許鄰佑諸人首告並行治罪

大德十一年五月

登寶位詔書內一款諸色人等戶各務本業毋得別投戶名影避差徭及諸人不得將官民田土妄詞呈獻

大德十一年十二月 至大改元

詔書內一款近為漢人南人軍站民匠等戶多有投充怯薛歹鷹房子等名色影占差徭濫請錢糧靠損其他人戶已自元貞元年為始分揀今後除止當怯薛歹蒙古色目人外毋得似前亂行投屬其怯薛歹各枝見官負亦不得妄自收係違者並皆治罪監察御史廉訪司嚴加體察
至大三年四月十八日上

皇太后尊號詔書內一款諸色戶計各已占籍其有妄投各枝兒怯薛歹等名色規避差役冒請錢糧者並行禁治

至大四年三月十八日欽奉

登寶位詔書內一款諸色人戶各有定籍近者脫脫收聚康禮叔立軍衛濫及各枝下并州群百姓諸色驅奴人等多至數萬已經散遣貴今後各投下諸色人等并遵

世祖皇帝以來累朝定制不得擅招戶計誘占驅奴違者治罪

恤站赤

大德十年五月十八日欽奉整治政化

詔書內一款諸處站赤消乏蓋因諸王駙馬并內外官府不詳事體緩急動輒馳駟以致站戶逃移今後非軍情錢糧緊急之務必合乘驛者毋得濫差

大德十一年五月欽奉

登寶位詔書內一款蒙古站赤消乏尤甚別行接濟其餘諸站仰通政院定奪優恤仍禁各投下諸衙門毋得濫給鋪馬

大德十一年十二月欽奉 至大改元

詔書內一款諸處站赤消乏蓋因近年以來內外衙門諸王駙馬各投下濫行給驛脫脫禾孫不為用心盤詰有司失于整治之故仰中書省通政院先將消乏逃亡人戶合并僉補管站頭目因而典買本管站戶親屬並聽完聚價不追還蒙古站赤并其餘整治事理次第舉行

至大二年九月欽奉 尚書省

詔書內一款軍站輸役繁重宜令樞密院察其利病講寬舉行以示存恤站戶消乏者依覆是寔隨即補替

至大四年三月十八日欽奉

登寶位詔書內一款站赤消乏蓋因使客繁多失于檢察除

海青外應進獻鷹隼犬馬等物並令止罷各處歲貢方物有司自有額例其餘非奉宣索不得擅進應有執把聖旨令旨盡行拘收諸王駙馬投下及各衙門鋪馬聖旨仰中書省定擬以聞諸賫物為驗者今後毋得給馬不應差使營幹已私罪及給馬判署正官監察御史肅政廉訪司常加糾察

延祐七年三月欽奉

登寶位詔書內一款各處站赤差發繁併遞漸消乏仰中書省通政院設法樽裁諸衙門毋得泛濫給驛違者罪及當該判署官吏路府提調官鈐束站赤官人等毋得聚斂侵

尅差役不均監察御史肅政廉訪司嚴加糾治

延祐七年十一月欽奉 至治改元

詔書內一款站赤消乏蓋因差使頻併今後諸衙門并諸公
王公主駙馬各枝見常加撙節如有必合差人馳驛幹辦
公事酌斟應副務從省減一切閑防約束事理悉從舊制
脫脫木孫用心盤詰違者隨申本道廉訪司究問通政院
給馬之際若有不應差人及多餘濫給鋪馬者嚴行斷罪

厚風俗

至大二年九月欽奉改 尚書省

詔書內一款風化王道之始宜令所司表率敦勸以復淳古
如子詆其父奴許其主及妻妾弟姪干名犯義者一切禁
止

旌孝節

大德九年六月 欽奉立

皇太子詔書內一款孝子順孫曾經旌表者材堪從政者保
結申聞明量材任用

大德十一年五月欽奉

登寶位詔書內一款節該義夫節婦孝子順孫具寔以聞別
加恩賜

抑奔競

大德八年月 欽奉恤隱省刑

詔書內一款國家財物自有常制比者諸人妄獻田土戶計
山場窳治增添課程無非邀名貪利生事害民今後悉皆
禁治違者治罪

至大三年十月十八日欽奉

皇太后尊號詔書內一款隨處官民田土各有所屬諸人毋得
陳獻

至大四年三月十八日欽奉

登寶位詔書內一款國家租賦有常僥倖獻地之人所當懲

戒其刘亦馬罕小云失不花等冒獻河南地土已令各還
元主刘亦馬罕長流海南今後諸陳獻地土并山場密治
之人並行治罪

大德十一年五月欽奉

登寶位詔書內一款諸色人戶各務本業毋得別投戶名影
避差役及諸人不得將官民田土妄詞陳獻

止貢獻

庚申年四月初六日

詔書內一款節該開國以來庶事草創既無俸祿以養廉故
縱賄賂而為蠹凡事撒花等物無非取給于民為已財寔
皆官取百散一長盜滋奸若不盡更為害非細始自朕躬
斷絕斯弊除外用進奉軍前克敵之物并幹脫等拜見撒
花等物並行禁絕內外官吏視此為例

至大四年三月十八日欽奉

登寶位詔書內一款諸人中寶蠹耗國財比者寶合十乞兒
八巷私買所盜內府寶帶轉入中官既已伏誅今後諸人

母得侶前中獻其札蠶等所受管領中寶
聖旨亦仰追
收

